



Nefndasvið Alþingis

Austurstræti 8-10
150 Reykjavík

Alþingi
Erindi nr. P 140/1805
komudagur 18.4.2012

Skagafjörður, 18. apríl 2012
nr. erindis 1204035 HSB

Á 589. fundi Byggðarráðs Skagafjarðar 18. apríl 2012 var tekið fyrir neðangreint erindi.

Óskað umsagnar um frumvarp til laga um stjórn fiskveiða.

Svofelld bókun var gerð:

Lögð fram skýrsla, unnin af sérfræðingum KPMG Ísland hf, um áhrif af framkomnum tillögum um lagaumhverfi í sjávarútvegi á Sveitarfélagið Skagafjörð. Nánar til tekið frumvarp til laga um stjórn fiskveiða, þingskjal 1052-657 og frumvarp til laga um veiðigjald, þingskjal 1053-658.

Byggðarráð samþykkir eftirfarandi ályktun:

Við undirrituð vörum Alþingi sterklega við því að samþykkja fyrirbyggjandi frumvörp ríkisstjórnarinnar til laga um stjórn fiskveiða og veiðigjöld. Greinargerð óháðra sérfræðinga, sem fylgir frumvörpunum og sem unnin var að beiðni sjávarútvegs- og landsbúnaðarráðuneytisins, ætti að hvetja löggjafann að staldra við og ígrunda gaumgæfilega áhrif lagasetningarinnar á rekstur og afkomu sjávarútvegsfyrirtækja og á sjávarbyggðir landsins. Sérfræðingarnir búast við "umhleypingum á næstu árum meðan útgerðin lagar sig að breyttum aðstæðum" og segja að áformuð lagasetning muni verða "mjög þýngjandi fyrir rekstur sjávarútvegsfyrirtækja". Enn fremur að hækkun veiðigjalds muni án efa "kippa stoðum undan skuldsettari útgerðarfyrirtækjum." Þá benda sérfræðingarnir á að byggðaaðgerðir frumvarpsins séu "ólíklegar til að ná þeim markmiðum sem stefnt er að", enda skorti enn þann "langtíma stöðugleika sem getur skapað grundvöll fyrir uppbyggingu atvinnulífs í sjávarbyggðum".

Undirritaðir telja að þessi varnaðarorð, sem fylgja frumvörpunum, séu meira en næg ástæða fyrir alþingismenn til að leggja málin til hliðar frekar en að stuðla að því að lögfesta þau og stuðla þannig að "umhleypingum" með alvarlegum afleiðingum fyrir fólk og fyrirtæki í sjávarbyggðum landsins, m.a. mögulegri lækkun launa sjómanna og fiskverkafólks, lækkunar útsvarstekna sveitarfélaga, minni fjárfestingagetu sjávarútvegsfyrirtækja á landsbyggðinni og þar með en minni atvinnuuppbyggingu á landsbyggðinni en nú er. Við slíkt verður ekki unað.

Stefán Vagn Stefánsson, Bjarni Jónsson, Jón Magnússon og Þorsteinn T. Broddason.

Sigurjón Þórðarson sveitarstjórnarfulltrúi Frjálslyndra og óháðra óskar bókað:

Frumvörp ríkisstjórnarinnar í sjávarútvegs málum eru í engu samræmi við það sem stjórnarflokkarnir lofuðu fyrir síðustu kosningar. Mesti ávinningur sveitarfélaganna og þjóðfélagsins alls felst í því að auka sjávarafia og frelsi og jafnræði til veiða. Augljóst er að það eitt að aðskilja fjárhagslega veiðar og fiskvinnslu mun tryggja sveitarfélögunum strax gríðarlegan tekjuauka. Sveitarfélagið Skagafjörður sem og önnur sveitarfélög ættu að varast að spyrða hagsmunir sína beint við hagsmunir einstaka útgerðarmanna eða fyrirtækja en dæmin sanna vítt og breitt um landið hversu fallvalt og varhugavert það getur reynst. Braskið með sameiginlega auðlind þjóðarinnar m.a. hjá forráðamönnum KS hafa algerlega misboðið

almennings og breytingar á stjórn fiskveiða eiga miða að því að hagur almennings verði hafður í öndvegi.

Þessi afgreiðsla byggðarráðs tilkynnist hér með.

Virðingarfyllt,
f.h. Byggðarráðs Skagafjarðar

 Skagafjörður

Helga S. Bergsdóttir
Stjórnsýsluritari